

## PAULO LIWAKATETIGI GAALATATEDI

Galácia one iiḡo aneledi oiḡe romaanotedi. One-  
liodi lapoli loiḡi Cristo mijoataḡa owidi nigotadi  
Galácia. Liwigotigi niḡicoa nigotadi, ani aca An-  
tioquia da Pisídia, Derbe, Listra, ajaa Icônio. (Aw-  
initeloco Atos 15). Eliodi oko ane loiḡi Goniotagodi  
aona judeutedi, pida onica judeutedi anoditiḡi  
me daḡa dibateteḡe Aneotedoḡoji nige doḡodioteci  
iḡoatawece ane lakataḡa judeutedi.

Paulo ḡonitiadi lotaḡa me dakapeteḡe  
niḡicoa niḡaxinaḡaneḡeco ane deḡewiteda,  
codaa yalomeḡe niḡidi oko anodioteci niḡicoa  
niḡaxinaḡaneḡeco ane diḡica ane jaḡate.  
Codaa yalaḡata Abraão, ane nelokodi judeutedi,  
anodaagee me nakato Aneotedoḡoji, odaa  
leegodi eliwaḡatakaneḡegi Abraão, odaa  
Aneotedoḡoji ja dibateteḡe. Abraão akaaḡijo  
me yewiḡa maleediḡicatibige Moisés daḡa  
iditedini liḡenatakanegoco Aneotedoḡoji codaa  
ane lakataḡa judeutedi. Paulo mee niḡina oko  
anonakato Goniotagodi me daḡadiaa liotagi niḡijoa  
lakataḡa laxokodi judeutedi. Paulo aaḡaḡa  
yalaḡata niḡinoa ane loenataka niḡina oko  
anodioteci laaleḡena lidaḡataka ane beyagi, codaa  
aaḡaḡa yalaḡata anigota Aneotedoḡoji Liwigo  
niḡina oko baanogonakato Goniotagodi.

*Paulo yecoaditibige ica niḡeladimigipitigi  
niḡotedi Galácia*

<sup>1</sup> Ee, Paulo, jidi naḡadi iwakate notaḡanaḡaxi. Ee liḡexegi Jesus Cristo, codaa me Aneotedoḡoji Godiodi, aneote Jesus me yewiḡatace niḡijo me yeleo. Aḡoko anetidiolate, codaa aḡoko anetidiḡe me jibatema Aneotedoḡoji. <sup>2</sup> Ee inaa inatawece ḡonioxadipi aninaa digoina meetaḡa ḡodecoaditibige lapoli loiigi Aneotedoḡoji ane liḡeladi niḡotedi Galácia. <sup>3</sup> Jemaanaḡa Aneotedoḡoji, Godiodi, codaa me Goniotaḡodi Jesus Cristo midioka limedi meliodi mowote aneletaḡadomi, codaa mowote ḡadaalegenali mele. <sup>4</sup> Jesus ijaa dinajigo me yeleotetema ḡobeyaceḡeco, eote me ḡodiwoko nakataḡa ane beyagi aninoa niḡina iḡo. Leeḡodi joaniḡidaa ane yemaa Aneotedoḡoji Godiodi. <sup>5</sup> Odaa jemaanaḡa niḡina oko midioka limedi modoḡetetalo Aneotedoḡoji. Odaa jiḡidaaḡee. (Amém.)

*Aḡicoa eletidi nibodicetedi anele ane icoḡotedicogi miniwataḡa Aneotedoḡoji, pida jiḡinokinoateda niḡinoa ane jatematiḡatedibece*

<sup>6</sup> Gadopootiwaji niḡica me age mikanitedice Aneotedoḡoji aneniditedaḡawa. Leeḡodi Cristo eliodi meletedaḡadomitiwaji, odaa Aneotedoḡoji eniditedaḡawa makaami nepilidi. Pida jiḡiwaḡatitiwaji eledi natematigo anodi niḡina oko me icoḡotigi miniwataḡa Aneotedoḡoji. <sup>7</sup> Pida anewi, aḡicoa eletidi nibodicetedi anele ane icoḡotedicogi miniwataḡa Aneotedoḡoji. Pida inatibece oko anetiḡadigiwocitice, codaa odoletibige moiigi niḡinoa nibodicetedi anele anoditece Cristo. <sup>8</sup> Pida deḡejinaḡatece eledi natematigo, oḡoa domiḡetaḡa aanjo ane

icogotibigimece ditibigimedi daɗa eetece natematigo ane daɗa liciaco nibodicetedi anele baaneɗejinaɗatece, Aneotedoɗoji eote midioka limedi me nawikodeega niɗina oko aneeteceeledi natematigo, codaa domigokomoɗoko, oɗoa domige aanjo, pida idokee me ɗodiloikatidi. <sup>9</sup> Ejinaɗatacaɗawa niɗijo baaneɗejinaɗataɗawatiwaji. Diɗica okanicodaagica oko ane yatematitaɗawatiwajieledi natematigo ane daɗa liciagi niɗijo natematigo anele baanaɗa abaatege, Aneotedoɗoji iloikatidi niɗica oko nigepaa ganigicatibige.

<sup>10</sup> Dawice me ɗadotaɗanegenitiwaji igaataɗa ajoletibige me jocaɗata oko. Pida joletibige me jao Aneotedoɗoji ane yemaa, oɗaa ninitedibece. Ajoletibige daɗa jocaɗata oko, igaataɗa daɗa joletibige me jocaɗata oko, oɗaa agoteɗee liotagi Cristo.

### *Anodaɗee Aneotedoɗoji me iolatedice Paulo me liigexegi*

<sup>11</sup> Inioxoadipi, jelogoditedaɗawa niɗinoa nibodicetedi anele, niɗinoa ane jatematitedibece, agica aneetege lowoko niɗina oko. <sup>12</sup> Igaataɗa aɗoko ane najigotiwa niɗida natematigo anele, codaa agica ane idiigaxitece niɗinoa nibodicetedi anele. Pida Jesus Cristo jiniaaginiwa ane nikeetediwa niɗida natematigo.

<sup>13</sup> Niɗida makaamitiwaji jaɗajipaatebece ane yoenataka niɗijo malee jioteci lakatigi judeutedi. Eliodi me jiatetibeci Aneotedoɗoji loiigi, codaa agica daɗa jiwikode. Inoatawece jaote me domaga jaagadi niɗidi noiigi. <sup>14</sup> Owidi eletidi lionekadi

ane inaḡaxatologo me jioteci ane lakatigi yoiigi judeutedi. Codaa eliodi me idinoniciwaḡadi me jotete liiḡaxinaḡaneḡeco yaamipi.

<sup>15</sup> Pida Aneotedoḡoji idiomaḡaditedice me ee liiḡexegi malee idejote catiwedi le eido. Odaa leeḡodi meliodi me idiwikode, jegeniditediwa me jiotece. <sup>16</sup> Aneotedoḡoji ninitedibece me yakadi me nikeetediwa Lionigi, eotedibige me jatematitedibece nibodicetedi anele anoditece Jesus, liwigotigi eletidi noiigi ane daḡa judeutedi. Niḡijo Aneotedoḡoji naḡa nikeetediwa Lionigi, ajoletibige eledi oko deḡetidiḡaxi. <sup>17</sup> Codaa aḡejigo nigotaḡa Jerusalém daḡa jakapetege niḡijo oko baanaḡa liiḡexedi Aneotedoḡoji maleediḡicatibige meniditediwa. Pida aḡica daḡa idinopaḡadi odaa jeḡejigo nipodigi Arábia, niḡidiaaḡidi ja jopitacicogi nigotaḡa Damasco. <sup>18</sup> Naḡa ixomaḡatedijo itoatadiḡida nicaaḡape, odaa jeḡejigo nigotaḡa Jerusalém, domeḡejigo joletibige me jowoḡodi Pedro. Idiaaḡejote manitaḡa nigotaḡa ciinze nokododi. <sup>19</sup> Pida aḡica jinadi otḡinitece eledi liiḡexegi Goniotaḡodi, onijoteci me jinadi niḡijo anodita Tiago, nioxoa Goniotaḡodi.

<sup>20</sup> Digawinitiwaji! Eji lodoe Aneotedoḡoji me daḡa jiwitaka. <sup>21</sup> Niḡijo naḡa idoditicogi Jerusalém, odaa jeḡejigo nipodaḡa Síria aniaa Cilícia. <sup>22</sup> Icoa lapoli loiigi Cristo ane idei nipodigi Judéia aniḡica deḡetidowoḡodi. <sup>23</sup> Niḡidi noiigi idokida mowajipa moditibece, “Niḡijo anijo me ḡodiatetibece, natigide jona yatematitedibece nibodicetedi anele anoditece Cristo. Jotigide geme

domaḡa yemaa me yaaḡadi niḡinoa nibodicetedi anele.” <sup>24</sup> Odaa niḡidi noiigi odoḡetetalo Aneotedoḡoji leeḡodi anodaḡiḡotediwa me idiigi.

## 2

### *Paulo idiaaḡeletidi liiḡexedi Aneotedoḡoji*

<sup>1</sup> Naḡa ixomaḡatediḡo 14 nicaaḡape, odaa jeḡeḡiḡotace niḡotaḡa Jerusalém ixigaḡawa Barnabé. Ijaa Titoeledi jadeegi. <sup>2</sup> Ejigo Jerusalém leeḡodi Aneotedoḡoji nikeetediwa me leeditibige meḡigo. Neḡejoticogi digoida, odaa ijoka jatecoḡoḡoteḡe niḡiḡoa lacilodi loiigi Aneotedoḡoji. Odaa ja jeloḡoditiogi ane diitigi ane ḡodatematigo, niḡiḡoa nibodicetedi anele ane jeloḡoditedibece miditaḡa noiigi ane daḡa judeutedi. Ibakedi baanaḡa jao codaa eḡidaaḡejatigi me jao, ajemaa daḡa atooa niḡida ibakedi. <sup>3</sup> Tito ixigaḡawa. Odaa idaaḡida me loiigi greeḡotedi, pida aḡoiedeḡe niḡiḡoa lacilodi me yakagidi lolaadi ane lakatigi judeutedi moikee me nepilidi Aneotedoḡoji. <sup>4</sup> Pida idi oko anokowo moyiwaḡadi Goniotaḡodi. Niḡidi oko codaḡidi naḡa dakatiobece anei me jatecoḡoḡo, domoḡoyemaa moyowoḡodi domiḡewi daḡadiaa jiwaḡatece ane lakataḡa judeutedi, codaa domoḡoyemaa moyowoḡodi miḡe jiiḡaxinaḡanaḡatece me jakataḡa me jikanaga niḡiḡoa lakataḡa leeḡodi me ḡodexogoteḡe Jesus Cristo. Codaa domoḡoyemaa metiḡodiedeḡe mejiwaḡatacece niḡiḡoa lakataḡa, odaa joaniḡidaa taḡa jopilaḡataceḡe moko niotaḡipi niḡiḡoa lakataḡa. <sup>5</sup> Pida aḡodiwoditema, oteḡexaḡaḡa

onateciḡica, jaotibige akaamitiwaji midokee makati majipaata, codaa me iwaḡati nibodicetedi anele anewi.

<sup>6</sup> Odaa idiwa ijoa ane odiniciaceeketege niḡidiwa ḡodacilodi, pida aḡica jaote daḡa jowoḡodi ganigidi, igaataḡa Aneotedoḡoji aniwitedi oko aiwi ane latopaco oko, pida iwi anee. Aḡica oko deḡetidiḡaxitece gaantiḡida gela yowoogo miditaḡa. <sup>7</sup> Pida onadi Aneotedoḡoji naḡa najigotediwa inaḡatetigi me jeloḡoditedibece nibodicetedi anele minataḡa noiigi ane daḡa judeutedi, digo mijotaḡa Pedro me yajigote naḡatetigi me yeloḡoditedibece nibodicetedi anele miditaḡa judeutedi. <sup>8</sup> Igaataḡa Aneotedoḡoji najigotediwa loniciwaḡa me ee liḡexegi minataḡa noiigi ane daḡa judeutedi, digo mijotaḡa Pedro me yajigote loniciwaḡa me liḡexegi miditaḡa judeutedi. <sup>9</sup> Tiago, Pedro ijaa João, anododigota niḡina eledi oko micataḡa daḡa ḡodacilodi, niḡidi iniwatadiḡini noḡoyowoḡodi Aneotedoḡoji me najigotediwa niḡida ibakedi ḡoneḡegi, odaa joḡodibatoḡogi ee ijaa Barnabé moiḡee moniwoditoḡodomi. Okotawece ḡodiwoditema mele me ḡobakadi liwigotigi noiigi ane daḡa judeutedi, idiḡidi baḡa libakadi miditaḡa judeutedi. <sup>10</sup> Niḡidi iniwatadiḡini liḡexedi Goniotagodi idokida monipokotoḡowa me jaxawanaga niḡinoa madewetedi anidi liwigotigi Aneotedoḡoji loiigi digoida nigotaḡa Jerusalém. Joaniḡidaa me idinoniciwaḡataḡa me jaḡate anonipokotoḡowa.

*Paulo diojotece Pedro manitağa nigotağa Antioquia*

<sup>11</sup> Niğijo Pedro migo dalita nigotağa Antioquia, jiojotece lodoe loigi Aneotedoğoji, leegodi me dibatá. <sup>12</sup> Igaatağa niğijo neğeno, ligiiwepoditibece niğijo anoyiwağadi Goniotagodi ane dağa judeutedi. Pida niğijo neğenotibeci niğijoa goneleegiwadi ane niğe Tiago, odaa Pedro ja yototicoace niğijo anoyiwağadi Goniotagodi ane dağa judeutedi, odaa ağalee ligiiwepodi, igaatağa niğinoa judeutedi aliigiwepodi niğina ane dağa judeutedi. Odaa ja dinogaticce leegodi doitiogi niğijo anoiedege niğina ane dağa judeutedi me leeditibige moyakagidi lolaadi, ane lakatigi judeutedi, moikee me nepilidi Aneotedoğoji. <sup>13</sup> Codaa ijoa eletidi anoyiwağadi Goniotagodi ane judeutedi ağaca laaleğena, odaa joğowo liciagi Pedro. Codaa me Barnabé owo mağaga dioteci anowo. <sup>14</sup> Odaa niğijo nağa jinadi me degewi modioteci naigi anewi icoa nibodicetedi anele, ane icoğotibigimece miniwatağa Aneotedoğoji, odaa mejita Pedro lodoe ijotawece niğijo oko, “Akaami judeu, pida jığikani me iwitece ane lakatağa judeutedi, odaa jıgiwitece anodağee niğina ane dağa judeutedi. Enige, igaamee ina memaani me iedeğeni ina ane dağa judeutedi modioteci ane lakatağa judeutedi?”

*Aneotedoğoji icota meote me newiğatace judeutedi, inaağina ane dağa judeutedi, leegodi monakato Jesus*

<sup>15</sup> Me janiigatini noğoko noiigi judeutedi, Aneotedoğoji ane iomağaditedice, ağica

anejinaḡatege eledi noiigi ane diḡicoateda miditaḡa liiḡenatakanegeco Aneotedoḡoji ane iditedini Moisés. <sup>16</sup> Pida jiḡidaagee oko judeutedi, jowoḡotaḡa Aneotedoḡoji me daḡa yakaditeda oko me iḡenaga daḡa leegodi me yotete lajoinaḡaneḡeco Moisés, pida leegodi me jinakatonaga Jesus Cristo. Joanigidaa leegodi okomogoko judeutedi me jinakatonaga Jesus Cristo, jaogatiḡibe Aneotedoḡoji me yakadi me ḡodeḡenaga leegodi me jinakatonaga Cristo. Aḡalee joleegatiḡibe Aneotedoḡoji me yakadi me ḡodeḡenaga, leegodi me jotetenaga lajoinaḡaneḡeco Moisés. Igaataḡa Aneotedoḡoji aḡica ane yakadi me iḡenaga daḡa leegodi me yotete lajoinaḡaneḡeco Moisés. <sup>17</sup> Niḡina me joleegatiḡibe Aneotedoḡoji me yakadi me ḡodeḡenaga leegodi me ḡodexogotege Cristo, ja jikeenaga moko abeyacaḡaḡa diḡo minataga niḡina ane daḡa judeutedi. Pida domige niḡidaa leegodi, Cristo meote me jaoga ane beyagi? Odaa aniḡidaagee! <sup>18</sup> Pida micataḡa niḡina oko ane yaagadi ligeladi, odaa niḡidiaagidi ja dabitegetacini ijaagijo niḡijo diimigi. Eote niḡijo aneetini. Joanigidaageji naga jika me joletibiḡe me ideḡenaga leegodi me jioḡete niḡijoa liiḡenatakanegeco Aneotedoḡoji, iḡaataḡa niḡidiwa niḡenatakanegeco onikeetaciwa me ee abeyaceḡegi, codaa Aneotedoḡoji me daḡa yakaditeda me ideḡenaga. Diḡidiaagidi daḡa joletaciḡibe Aneotedoḡoji me yakadi me ideḡenaga leegodi me jotete liiḡenatakanegeco Aneotedoḡoji, odaa ja jikeetace me ee



abeyacegegi, me digica ananiigitici. <sup>19</sup> Odaa leegodi nigidiwa niigenatakanegeco monikeetiwa me ee abeyacegegi, odaa micataga degetideloadi nigidiwa niigenatakanegeco. Odaa agalee joletibige daga yakadi Aneotedofoji me idegenaga leegodi me jotete niigenatakanegeco, codaa agaleegetidiige nigidiwa niigenatakanegeco. Odaa joanigidaa me jakadi me idewigatema miniokiniwateda Aneotedofoji, codaa miniokiniwateda me idiige. <sup>20</sup> Micataga daga yemaḡawa Cristo madataga nicenaḡanagate, codaa micataga daaditaḡalee idewiḡa. Pida ja idewiḡatace leegodi me yewiḡatediloco Cristo. Odaa anodaageji me idewiḡa maleegejoteloco niḡina yolaadi, joanigidaa aneji me idewiḡa niḡijo ane najigotediwa Cristo leegodi me jinakato Niḡiniaaḡiniwa, Lionigi Aneotedofoji. Idemaḡa codaa ja dinajigo me yeletedomi. <sup>21</sup> Joanigidaagee aḡica daga jiligoditice Aneotedofoji aneotedomi, ane daḡaxa mele. Pida Aneotedofoji nige dibatetege oko leegodi me yotete lajoinaḡanegeco Moisés, odaa amica jaḡa Cristo me yeletedoḡodomi.

### 3

*Domige me jotetenaga lajoinaḡanegeco Moisés, odaa Aneotedofoji ja yakadi me ḡodeḡenaga, oḡoa domige me jinakatonaga Goniotaḡodi?*

<sup>1</sup> Anakaami Gaalatatedi. Niḡida makaamitiwaji ja ḡadiciagi micataga niḡina yetoliwaga! Domigica ane ḡadoxitiwaji meotibige me daḡadiaaḡiwagati anewi? Ja jikeenaḡataḡawatiwaji codaa me jaḡa

me igenaga me jelogotagaṭawa anodaagee Jesus Cristo me yeletedeloco nicenaganagate.

<sup>2</sup> Jemaa manalakitibigetiwaji Aneotedoḡoji me daḡa yajigotedaḡawa Liwigo daḡa leeḡodi moteteni lajoinaganegeco Moisés, pida leeḡodi me iwagati nibodicetedi anele anoditece Cristo.

<sup>3</sup> Niḡida makaamitiwaji ḡadiciagi micataḡa oko yetole, igaataḡa madinojocitini me ḡadewikitema gela ḡadewiḡa me oniteloco loniciwaga Aneotedoḡoji Liwigo, pida natigide jegemaani mopilitaceloco me ḡadewiki, mabakeni akamaḡa ḡadoniciwaga.

<sup>4</sup> Owidi anixomaḡateenitedijotiwaji ḡadawikodico leeḡodi manakatoni Goniotagodi. Mige naḡatooa ijoatawece ijoa ḡadawikodico?

<sup>5</sup> Niḡina Aneotedoḡoji me yajigotedaḡawa Liwigo codaa niḡina meote ḡodoxiceḡetedi ḡadiwigotigitiwaji, domigeote leeḡodi ina me iwitece lajoinaganegeco Moisés? Aniḡidaagee. Pida eote inoatawece leeḡodi majipaatalotiwaji codaa me iwagati nibodicetedi anele anoditece Cristo.

<sup>6</sup> Lotaganagaḡaxi Aneotedoḡoji yalaḡata ḡonelokodi Abraão, niḡijo mee,

“Abraão nakato Aneotedoḡoji, joaniḡidaa leeḡodi Aneotedoḡoji me dibateteḡe Abraão

micataḡa oko ane igenaga.”

<sup>7</sup> Enice leeditibige mowoḡotitiwaji, inatawece anonakato Goniotagodi, joaniḡidiaḡidi beḡewi mida aneeteḡe licogegi Abraão. <sup>8</sup> Aniḡicatibige Aneotedoḡoji daḡa dibateteḡe niḡina ane daḡa judeutedi, neḡee Aneotedoḡoji lotaganagaḡaxi me dibateteḡe niḡina ane daḡa judeutedi leeḡodi

monakato. Igaataga digo ane diniditeloco nağadi notaganagaxi, Aneotedoğoji yatematite Abraão nibodicetedi anele niğijo jotigide, negeeteta, “Gadibakeni me jibinie inatawece noiigi niğina liğo.”

<sup>9</sup> Aneotedoğoji ibinie Abraão leegodi midioka limedi me nakato. Odaa jiğidaağigotediogi Aneotedoğoji me ibinie inatawece niğina anonakato.

<sup>10</sup> Pida niğina oko anodoletibige me dibatetege Aneotedoğoji leegodi moyotete lajoinaganegeco Moisés, niğidi oko Aneotedoğoji etacidetetece. Igaataga lotaganagaxi Aneotedoğoji mee, “Aneotedoğoji etacidetetece inatawece oko ane diğidioka limedi mowote idiwatawece ane liigenatakanegegi notaganagaxi aneite lajoinaganegeco Moisés.” <sup>11</sup> Pida jowoogotaga Aneotedoğoji me diğica ane dibatetege micataga dağa iğenaga leegodi me yotete lajoinaganegeco Moisés. Igaataga Aneotedoğoji lotaganagaxi mee, “Aneotedoğoji dibatetege oko leegodi me nakato, odaa niğijo oko idiokaanaga limedi me yewiğa.”

<sup>12</sup> Pida niğina oko anidioka limedi me doletibige me yotete lajoinaganegeco Moisés, niğini oko ali-ciagi niğijoeledi oko anepaga nakato Goniotagodi. Igaataga niğini oko doletibige midioka limedi me yewiğa leegodi me yotete najoinaganegeco, aneeta lotaganagaxi Aneotedoğoji, “Niğina oko anidioka limedi meote ane liigenatakanegegi lajoinaganegeco Moisés, niğini oko idioka limedi me yewiğa.”

<sup>13</sup> Oko nilaagetedipi leegodi me dağa jakataga me jotetenaga ijoatawece lajoinaganegeco

Aneotedoꝑoji ane iditedini Moisés. Pida Cristo ja noꝑa moko nilaagetedipi niꝑijo me dawikode me domegetiꝑodiloikatidi, niꝑijo noꝑoyototedeloco nicanaganagate, oada ja yeletedoꝑodomi. Igaataꝑa mee Aneotedoꝑoji lotaganagaꝑi,  
 “Niꝑica oko anoyototi midataꝑa iwoꝑo,  
 Aneotedoꝑoji laagedi.”

<sup>14</sup> Jesus Cristo ja yaaꝑadi moko nilaagetedipi eotedibige micotece niꝑijoa Aneotedoꝑoji lotaꝑate Abraão me ibinie eletidi noiigi ane daꝑa judeutedi. Leeꝑodi Jesus Cristo me yaaꝑadi mokotawece oko nilaagetedipi, Aneotedoꝑoji ibinie noiigi, co-  
 daa eleditace mee me yakadi me najigotedoꝑowa Liwigo niꝑina ane jinakatonaga Cristo, leeꝑodi akaaꝑida me ligegi.

*Lajoinaganageco Moisés icaꝑica Aneotedoꝑoji  
 ane ligegi meote*

<sup>15</sup> Inioxadipi, jao ane jiciaceeketege niꝑina oko me dinilakidetiwage. Niꝑina oko me dinilakidetiwage, oiditedini liboonagaꝑedi, oada aꝑaleeꝑica ane yakadi me iigi domigetaga ica ane noꝑa niꝑijo anodinilakidetigi. <sup>16</sup> Jiꝑidaagee Aneotedoꝑoji ane ligegitetege Abraão icaꝑica ica anida aneetege licoꝑegi Abraão me dinilakidetetege. Aneotedoꝑoji lotaganagaꝑi ikee Aneotedoꝑoji me deꝑeetece eliodi oko anida aneetege licoꝑegi Abraão, pida eetetece oniniteci anida aneetege licoꝑegi, ane Cristo. <sup>17</sup> Jema me jaote niꝑinoa yotaꝑa ane daꝑa dakaketeda mowoꝑotitece. Aneotedoꝑoji eote ligegitetege Abraão me dinilakidetetege, micataꝑa diꝑica lidigo me dinilakidetiwage. Naꝑa

ixomagatedijo 430 nicaagape, odaa Moisés ja iditedini lajoinaganegeco, Aneotedogoji ane iigete me iditedini. Pida niigijoa notaga Moisés ane iditedini ayakadi dogoiigi niigijoa Aneotedogoji ane dinilakidetetege Abraão, otegeexaagaga noŋatice niigijoa ane ligegiteta. <sup>18</sup> Aneotedogoji meete Abraão me yajigote niigica ane daŋaxa mele. Nige leeditibige niigina oko moyotete lajoinaganegeco Moisés modibatege niigica anele, odaa ametigica jaoga me dinilakidetetege Abraão. Pida ewi Aneotedogoji me yajigote Abraão niigica anele leegodi meote ligegitetege, odaa ja dinilakidetetege. Idiigida aleegotedi lajoinaganegeco Moisés.

<sup>19</sup> Enice, igame leegodi Aneotedogoji me iige Moisés me iditedini ijoa liigenatakanegeco? Aneotedogoji iige Moisés me iditedini niigijoa liigenatakanegeco eotedibige me ikee niigica nibeyacaŋa. Niigijoa niigenatakanegeco oiike niigica ane yemaa Aneotedogoji, negepaagicota Niigijoa anida aneetege licoŋegi Abraão. Aneotedogoji eote ligegitetege niigijoa anida aneetege licoŋegi Abraão me domaga dibatege niigijoa Aneotedogoji ane ligegitetege Abraão me yajigoteta. Niigicoa aanjotedi oyajigota Moisés niigijoa niigenatakanegeco, Moisés micataŋa daŋa niigina aneo me ilaŋatiwage oko. <sup>20</sup> Baŋa jopooŋatibige me yaxawa niigijoa oko ane libakedi meo niigina oko me dinilakidetiwage niigina me idoa itoataale oko ane leeditibige me dinilakidetiwage. Pida Aneotedogoji boŋoniniwatece, odaa ayopotedibige eledi oko me yaxawa niigijoa negeote ligegitetege Abraão me

yajigote anele.

*Ica ane leegodi Aneotedogoji me iige Moisés me idi lajoinaganegeco*

<sup>21</sup> Domigejinaga inoa lajoinaganegeco Moisés me dogoniwoditema ica ligegitetege Aneotedogoji Abraão? Oniwoditema! Igaataga daga yajigo Aneotedogoji niigenatakanegegi mida loniciwaga meote oko me newigatace, Aneotedogoji taga yakadi nigina oko me igenagatibigiwaji leegodi moyotete liigenatakanegeco. <sup>22</sup> Pida lotaganagaxi Aneotedogoji ikee niginoa nibeyacegoco mida loniciwagateloco inatawece oko, micataga daga liwilogojedipi. Pida joanigidaa Aneotedogoji me yakadi me yajigotediogi inatawece oko anoyiwagadi nigijo ane ligegi yajigotediogi leegodi monakato Jesus Cristo.

<sup>23</sup> Aniigicatibige Cristo degenagi meote oko moyakadi monakato, icoa lajoinaganegeco Moisés owote micataga dogoko liwilogojedipi catiwedi niwilogonagaxi negepaa ikee Aneotedogoji anodaagee nigina oko moyakadi monakato. <sup>24</sup> Icoa lajoinaganegeco Moisés one micataga nigina ane jilokagateloco ane doweditogoloco, codaa me ni-keetogowa naigi anewi eotibige Aneotedogoji me yakadi moko ane igenaga leegodi me jinakatonaga Cristo nigidiaagidi negenagi. <sup>25</sup> Natigide nigijoa lajoinaganegeco Moisés ane liciagi nigina ane jilokagateloco agalee doweditogoloco, igaataga Aneotedogoji ja yakadi me godegenaga leegodi me jinakatonaga Cristo.

<sup>26</sup> Igaataga akaamitawecetiwaji akaami lionigipi Aneotedogoji leegodi manakatoni

Jesus Cristo. <sup>27</sup> Igaataḡa niḡijo naḡa adinilegeni me Liboonagadi Cristo, oḡaa jiḡikeeni naḡa ḡadexociteḡetiwaḡi Cristo, codaa jaḡadiniigi me ḡadiciagi digo mijoataḡa anee. <sup>28</sup> Oḡaa aḡica iomiḡigi, okotawece oko diniciamico inoa judeutedi inaaḡina ane daḡa judeutedi, ina niotagipi inaaḡina ane daḡa niotagipi, inoa ḡoneleegiwaḡi codaa me iwaalepodi, inatawece diniciamico leeḡodi moyexogoteḡe Cristo, micataḡa doḡokinitece oko. <sup>29</sup> Oḡaa leeḡodi mida aneniteḡe Cristo, niḡida makaamitiwaḡi jiḡida aneniteḡe licoḡegi Abraão, codaa aḡaḡa yaḡigotedaḡawatiwaḡi Aneotedoḡoji niḡijo ane ligegi me yaḡigotediogi niḡijo anida aneeteḡe licoḡegi Abraão.

## 4

<sup>1</sup> Ejemaa me jeloḡoditaḡawatiwaḡi anodaa di-itigilo niḡinoa yotaḡa. Micataḡa niḡina nionigi anicota me dibateḡe inoatawece ane nepilidi niḡina naḡa yeleo eliodi. Niḡijo lionigi malee nigaanigi, niḡijo eliodi idigota liciagi anigotiogi liotaka, idaagee micota me dibateḡe ane nepilidi nigicota me ḡoneleegiwa. <sup>2</sup> Niḡijo eniodi eote oko ane yowie nigaanigi codaa me dowediteloco, codaa aneote eledi oko ane doweditelogo niḡica ane nepilidi nigepaaḡicota niḡica noko ane nibikota eliodi niḡijo nigaanigi nige daḡadiaa leeditibige mini oko ane dowediteloco. <sup>3</sup> Niḡijo jotigide ḡodiciagi niḡijo nigaanigawaanigi. Niḡinoa niwicidi ane niigenatakanaga aninoa niḡina iḡo etiḡodiḡe micataḡa doḡoko liotagipi. <sup>4</sup> Pida niḡicota niḡijo noko ane nibikota Aneotedoḡoji,

odaa ja niwakatee epaa Lionigi. Enitedini me liciagi okanicodaagica nigaanigawaanigi, enitedini me loiigi judeutedi, noiigi anidiwa miditaga icoa lajoinaganegeco Moisés. <sup>5</sup> Joanigidaagee dinanatibige moko eotedibige me yakadi me yeditedeloco gobeyacegeco, oko ane jotetenaga lajoinaganegeco Moisés, eotedibige Aneotedogoji me yakadi me dibatedogogi micataga moko lionigipi.

<sup>6</sup> Odaa leegodi makaami lionigipi Aneotedogoji, ja niwakateetedibigagaji Liwigo me digeladetiwece catiwedi gadaalegenali. Liwigo aneitiwece catiwedi gadaalegena dapaawetibige, meetalu, “Eiodi, Eiodi yemaanigi!” <sup>7</sup> Odaa leegodi Cristo aneote, agaleegakaami niotagipi, pida akaami nionigipi. Odaa leegodi makaami lionigipi, Aneotedogoji yajigotedagawa inoatawece anele ane yajigotediogi lionaga.

### *Paulo igecaage Gaalatatedi*

<sup>8</sup> Niigijo jotigide agicoa mowoogetitewaji Aneotedogoji. Codaa akaamitiwaji liotaka niwicidi abeyacagaga. <sup>9</sup> Pida natigide jogowogetitewaji Aneotedogoji. Ogoa domigetaga enegegi igenaga meji Aneotedogoji бага gadowogetitewaji. Enice, igame leegodi me domegemaanitiwaji mopilitacege makaami liotaka niwicidi abeyacagaga ijaagijoa gadakataga laxokodi ane digica loniciwaga? <sup>10</sup> Motetenitiwaji noko eliodi, codaa me nokododi me gela epenai, codaa inoa nalokeco ane daga nigotedini, codaa me niginoa nicaagape inoa gadakataga laxokodi anoiigetaagawa moteteni. <sup>11</sup> Eliodi



me yaaditibigaḡajitiwaji. Nalaḡatigi daḡa atooa ijoatawece niḡijoa ibakedi ane jaote me ḡadaxawanitiwaji.

<sup>12</sup> Inioxadipi, jipokotaḡawatiwaji manowik-itiwa digo aneji me idewiḡa. Iḡaataḡa ja idiniciaceeketaḡaḡitiwaji ane daḡa akaamita judeutedi. Codaa niḡida makaamitiwaji aḡica daḡawii ane beyaḡitomi. <sup>13</sup> Owoḡotitiwaji niḡijo maleekoka idinojogotini me jatematitedibece nibodicetedi anele anoditece Cristo, idiaaḡejote makaamitaḡatiwaji leeḡodi me jeelotika. <sup>14</sup> Pida aḡakatitiwaji daaditiḡica iniwaló, pida abaatigi, idaaḡee mida yeelotagi ane dakaketaḡadomi. Odaa jaḡabaatigi micataḡa deḡee niaanjo Aneotedoḡoji, codaa mabaatigi micataḡa daḡabaateḡe Jesus Cristo. <sup>15</sup> Codaa eliodi maniniitibecitiwaji. Natigide, iḡaamenitiwaji ina me daḡadiaaḡaniniitibeci ee leeḡodi? Jakadi meji naḡa ḡadigomitiwaji niḡijo jotigide manoḡaa akamaḡa ḡaḡecoḡe manajicitiwa, daḡa leeditibige midaaḡemiitiwa madaxawani. <sup>16</sup> Natigide, manigicaa jao me ee ḡadaxakawa leeḡodi me jeloḡoditaḡawatiwaji anewi?

<sup>17</sup> Niḡijo anetiḡadiiḡaxinitecetiwaji ane deḡewi, niḡijo oko dinoniciwaḡaditibigiwaji mowote me ḡadokaaḡetedipi, pida aḡidiḡida doḡowote aneletaḡadomi. Idokoyemaa me iwitecetiwaji, odaa aḡaleeḡaniwitici. <sup>18</sup> Pida ele me idinoniciwaḡadi me jaote makaami yokaḡetedipi iḡaataḡa jemaa me jao aneletaḡadomi. Idioka limedi mewi me idinoniciwaḡadi digoina aḡinokina me ee makaamitaḡatiwaji. <sup>19</sup> Akaami

ionigipi yemaanigipi! Joaniḡidaa leegodi meliodi me yaaditibigaḡaji, ja jawikodetace, macataḡa naḡana ḡodiodo naḡa dawikodetace me ilee le me dinigaje. Jawikode nigepaaḡicootatiwaji made enitiwaji digo mijoataḡa Cristo anodaaḡeeteda.<sup>20</sup> Eliodi me domaga jema me idejo makaamitawaji naḡani lakata daḡanagawinieledi anejigotaḡawa me ḡadotaḡaneḡenitiniwace, me daga jiojotaḡadici. Igaataḡa eliodi me yaaditibigaḡajitiwaji, codaa ajowoḡodi niḡica anejigotaḡawatiwaji me ḡadaxawani.

*Ica anoiciaceeketege Agar ajaa Sara*

<sup>21</sup> Akaamitiwaji anemaani moteteni lajoinaḡaneḡeco Moisés, anelogotitiwa! Aḡica majipaatawaji aneeta Aneotedoḡoji lotaḡanaḡaxi anidiwa najoinaḡaneḡeco? Ejitibige ina noḡowoḡotitiwaji.<sup>22</sup> Naḡajo notaḡanaḡaxi ikee Abraão mijoa iniwataale lionaḡa. Onica lionigitege aca iwaalo ane liboonagaḡadi Agar ane liota naḡajo baḡa lodawa. Icaeledi bogone lionigitege naḡajo baḡa lodawa ane daga niota, ane liboonagaḡadi Sara.<sup>23</sup> Niḡijo lionigitege naḡajo iwaalo ane niota enitini me liciagi okanicodaḡica nigaanigi. Pida niḡica lionigitege naḡajo ane daga niota joaniḡiniaḡini ane enitini leegodi Aneotedoḡoji me ligegi micota menitini, enitini leegodi Aneotedoḡoji yajigoteta loniciwaga naḡajo eliido idaaḡida naḡa daḡaxa mopake.<sup>24</sup> Niḡida natematigo ida ane niitigi. Niḡidi iniwataale iwaalepodi oiciaceeketege niḡicoa itoataale anigote Aneotedoḡoji me dinilakidetetege oko. Agar liciagi niḡijo oxiiḡodi

anee Aneotedoḡoji me dinilakidetetege oko, aneote digoida maditaḡa wetiḡa anodita me Sinai, nipodigi Arábia. Niḡijo lionigi Agar micataḡa niotagi. Joanigidaagee niḡina oko ane yotete niḡijo oxiiḡodi anee modinilakidetetege Aneotedoḡoji, niḡidi oko micataḡa daḡa liotagipi niḡijoa niḡenatakanegeco. <sup>25</sup> Enice naḡajo Agar niitigi me liciagi niḡica oxiiḡodi anee niḡina oko modinilakidetetege Aneotedoḡoji, aneote Aneotedoḡoji digoida maditaḡa wetiḡa anodita Sinai. Agar eledi oiciaceeketege nigotaḡa Jerusalém, igaataḡa niḡijo niḡeladimigipitigi naḡani nigotaḡa oyotete niḡica oxiiḡodi anee Aneotedoḡoji me dinilakidetetege oko, odaa niḡidi niḡeladimigipi oiciaceeketege daḡa liotagipi lajoinaḡaneḡeco Moisés, igaataḡa niḡijoa lajoinaḡaneḡeco oiḡe lewiḡa. <sup>26</sup> Pida Sara ane daḡa niota, boḡoiciaceeketege niḡida gela nimaweneḡegi Aneotedoḡoji me dinilakidetetege oko, codaa me liciagi aca nigotaḡa digoida ditibigimedi, aca gela Jerusalém. Odaa okotawece anida anejinaḡatege Cristo joḡokomoḡoko niḡica niḡeladimigipitigi naḡaca gela nigotaḡa, odaa aḡodiciagi niotagipi, igaataḡa aḡetiḡodiḡe lajoinaḡaneḡeco Moisés. <sup>27</sup> Igaataḡa lotaḡanaḡaxi Aneotedoḡoji mee,

“Akaami,  
iwaalo ane diḡicata manigajee,  
aniniitibeci!  
Codaakaami,  
ane diḡicata mileeni ḡadionigi,  
apaawe maniniitibeci!

Igaataga naḡani iwaalo ane daḡadiaaḡoniwita icota mepoḡowidi lionaḡa caticedi naḡajo iwaalo anepaḡa niwita niḡijo lo-dawa.”

<sup>28</sup> Inioxoadipi, oko lionigipi Aneotedoḡoji leeḡodi Aneotedoḡoji meote ligegitedoḡogi, digo mijotaḡa Isaque ane lionigi Sara menitini leeḡodi Aneotedoḡoji meote ligegiteteḡe Abraão micota menitini. <sup>29</sup> Niḡijo jotigide niḡijo lionigi Agar anenitini me liciagi okanicodaaḡica nigaanigi ja iatetibeci niḡijo lionigi Sara anenitini leeḡodi loniciwaga Liwigo Aneotedoḡoji. Joaniḡidaaḡejinaḡa niḡina natigide. <sup>30</sup> Pida Aneotedoḡoji lotaḡanaḡaxi ikee niḡica Aneotedoḡoji ane iḡeteta Abraão, niḡijo meete, “Amonyaa mopi naḡani iwaalo niota, iniaaḡini niḡini lionigi! Igaataga niḡina lionigi naḡana iwaalo niota ayakadi daḡa yawalace ane nepilidi eliodi daḡa niwaigawa niḡijo lionigi naḡani iwaalo ane daḡa niota.” <sup>31</sup> Enice, inioxoadipi, aḡodiciagi lionigipi naḡajo niota, pida ḡodiciagi lionigipi naḡajo iwaalo ane daḡa niota.

## 5

*Oko ane jinakatonaga Cristo aḡodiciagi niḡina oko niotagipi*

<sup>1</sup> Cristo eote me daḡadiaa jopoḡatibige me jotetenaga lajoinaḡaneḡeco Moisés me jaḡatibige Aneotedoḡoji me yakadi moko ane iḡenaḡa. Aḡaleeḡoko niotagipi. Enice atiteteloco ḡatiwaḡatakaneeḡegi, codaa jiniḡiwitece liiḡaxinaḡaneḡeco niḡijo oko anodoletibige

mowotace makaami niotagipi, codaa mowote me iwitece niɣiɣoɣa najoinaɣaneɣeco.

<sup>2</sup> Digawinitiwaji! Ee Paulo, ejitaɣawatiwaji. Nigakagiti ɣadolaaditiwaji ane lakatigi noiigi judeutedi leegodi moyotete lajoinaɣaneɣeco Moisés, oɣaa niɣiɣoɣo Cristo aneotedaɣadomi amica jaogate. <sup>3</sup> Jemaatace me ɣadajoinitiwaji. Niɣiɣoɣo ɣoneleegiwa ane ika moyakagidi lolaadi ane lakatigi judeutedi moyotete lajoinaɣaneɣeco Moisés, leeditibige midioka limedi me yotete idiwatawece najoinaɣaneɣeco, oɣaa ayakadi daɣa dinetetema otigiditece. <sup>4</sup> Akaamitiwaji anoletibige Aneotedoɣoji me dibatedaɣagi micataɣa oko ane iɣenaɣa leegodi moteteni lajoinaɣaneɣeco Moisés, niɣida makaamitiwaji jaɣawalacetege Cristo. Oɣaa Aneotedoɣoji aɣalee yakadi meotedaɣadomitiwaji icoatawece niɣicoa anele ane domegeotedaɣadomi. <sup>5</sup> Pida okomogoko jowoogotaɣa codaa ajawienatakanaga Aneotedoɣoji me yakadi moko oko ane iɣenaɣa leegodi me jinakatonaga Cristo. Oɣaa Liwigo Aneotedoɣoji jiginiaageo me jowoogotaɣa, codaa me inibeonagatege Aneotedoɣoji micota me yakadi moko oko ane iɣenaɣa. <sup>6</sup> Leegodi niɣina me ɣodexogotege Jesus Cristo, aibeyacaɣadi domige jakagitaga ɣodolaadi ane lakatigi judeutedi, ogoa domige ajakagitaga. Pida ida anenegegi jaogaa niɣina me idinemaanagatiwage leegodi me jinakatonaga Cristo.

<sup>7</sup> Ja domaga ɣadilakiiticiwaji micataɣa nalokodegecajo baanaga domaga dinigaanye. Amiiɣo ica aneo mikanitiwaji me iwaɣati ijoa

niiḡaxinaganegeco anewi? <sup>8</sup> Niḡijo oko aneo mikani me iwagati niḡijoa niiḡaxinaganegeco, aḡAneotedoḡoji. Pida Aneotedoḡoji baaniginiā aneniditedaḡawa me iwitece. <sup>9</sup> Eliodi moditibece, “Onateciḡini labookojegi eo minitawece leyeema ili.” (Odaa oniniteci oko yakadi me ḡadibeyacaḡati akaamitawecetiwaji.) <sup>10</sup> Pida leegodi me ḡodexogotege Goniotaḡodi, ḡadinakatonitiwaji me daḡawii eledi ḡadowoogo. Pida niḡijo oko ane ḡadigiwocitiwaji, Aneotedoḡoji iloikatidi, aḡica meote daḡa yowoḡodi domige ḡoneḡegi, oḡoa domige aḡoneḡegi.

<sup>11</sup> Inioxadipi, modi malee jiiḡaxinagatece ica malee leeditibige niḡinoa ḡoneleegiwadi moyakagidi lolaadi ane lakatigi judeutedi modocaḡatalo Aneotedoḡoji. Niḡidaaḡeji me jiiḡaxinaga, igame leegodi inaa maleeḡetidiatetibece? Niḡaleeḡidaaḡeji me jiiḡaxinaga, niḡina mejitece niiḡaxinaganegegi aneetece lemeḡegi Cristo madataḡa nicenaganagate, aḡotiḡica ane yelatema yatematigo. <sup>12</sup> Domaḡa jemaatibige niḡinoa ḡoneleegiwadi anetiḡadigiwocitiwaji, anetiḡadiiḡeni makagiti ḡadolaadi, domaḡa jemaa mowote caticedi niḡica ane liiḡenatakanegegi mawii, mepaa dinoga me daḡadiaaḡica lionigi.

<sup>13</sup> Niḡida makaamitiwaji, inioxadipi, Aneotedoḡoji jeḡeniditedaḡawa me daḡa ḡadiciagi niotaḡipi anodioteci lajoinaganegeco Moisés. Pida jinagaletibige daḡa leegodi me daḡa leeditibige moteteni lajoinaganegeco Moisés mocaḡanitalo Aneotedoḡoji, oditaḡa natigide jaḡakatitiwaji mawii okanicodaaḡica ane yemaa

ḡadolaadi mawii. Pida adinaxawanitiwagetiwaji leegodi madinemaanitiwage. <sup>14</sup> Igaataḡa niḡida makaamitiwaji oteteni inoatawece niḡinoa ane iḡetedaḡawa Aneotedoḡoji, nigoteteni niḡijo liigenatakanegegi anee, “Emaanitiwaji okanicodaaḡica oko anakapetege digo aneni makamaḡa adinemaani.” <sup>15</sup> Pida adinowetitiwaji, iḡataḡa niḡawii micoataḡa eijedi ane diojo ane nowacaḡanaḡa anepaa dinanacilotiditiwage, doidetibige makamaḡa adinaaḡatitiwaji.

*Icoa okomaḡa ḡodemaanaḡa, icaaḡicoa ane yemaa Liwigo Aneotedoḡoji me jaogaḡe*

<sup>16</sup> Digawini ane jemaa me igegitaḡawa. Ikani-tiwaji Aneotedoḡoji Liwigo me ḡadajacaḡatitema inoatawece ane oeni, amanagawini aḡawii ane yemaa ḡadolaadi mawii. <sup>17</sup> Igaataḡa niḡica ane yemaa ḡodolaadi lakapetegi niḡica anaḡaḡa yemaa Aneotedoḡoji Liwigo, codaa niḡica ane yemaa Aneotedoḡoji Liwigo aḡaḡa lakapetegi niḡina ane yemaa ḡodolaadi. Odaa niḡidi iniwataale ailagatiwage, micataḡa daḡa dinaxakawepodi catiwedi ḡodaaleḡena. Joanigidaa leegodi me daḡa jakataḡa me jaoga niḡina anokomaḡa jemaanaḡa. <sup>18</sup> Pida Liwigo Aneotedoḡoji nige yajacaḡadi niḡinoa ḡadoenataka, odaa niḡida makaamitiwaji aḡaleegakaami liotagipi lajoinaḡaneḡeco Moisés.

<sup>19</sup> Pida ele me jowoogotaḡa niḡicoa anepaa lemaanaga ḡodolaadi. Niḡina metiḡodiḡe niḡinoa anokomaḡa ḡodemaanaḡa me jaoga, owo oko me nigopelogeḡe okanicodaaḡica eledi oko, owote loenatagi ane beyagi, codaa

aḡoyakadi modinajacaḡaditema niḡinoa lakataḡa.  
<sup>20</sup> Niḡinoa lidaḡataka ḡodolaadi nige iḡe oko,  
 niḡini oko doḡetetalo niwicidi noenataka,  
 codaa ibake noxikoneḡeḡi. Odaa niḡina  
 oko ja dinaxakawamigi, codaa me nidelaḡa.  
 Nelokojoḡonaga codaa atooa me neligiḡeeḡa,  
 codaa oyemaa mepoka oyakadi ganigidi.  
 Dinixipeticoace lapotibece me dakapetiwage,  
 codaa idioka limedi modoletibige modioteci  
 okanicodaagicaeledi niḡaxinagaḡeḡi.  
<sup>21</sup> Dinocetiwage, codaa ḡonematagododi.  
 Acipaḡaḡa, codaa daḡaxa me lemaanigi nalokegi.  
 Owote eletidi loenataka ane beyagi liciaco  
 niḡinoa baanogowote. Jiḡijo mejitaḡawatiwaji,  
 pida ejitacaḡawa Aneotedoḡoji me daḡa iḡeteda  
 laaleḡenali niḡina oko anidioka limedi mowo  
 ane beyagi, codaa aḡoyakadi me ide miniwataḡa  
 Aneotedoḡoji.

<sup>22</sup> Pida niḡina Aneotedoḡoji Liwigo nige  
 ḡodajacaḡadi, odaa eo me idinemaanaḡatiwage,  
 codaa ḡodinitibece leeḡodi me jowoḡotaḡa  
 Aneotedoḡoji, codaa mele ḡodaaleḡenali.  
 Idinatiḡataeledi oko, codaa jiwikodenaga  
 eledi oko, codaa me jaḡa aneletemaeledi  
 oko. Codaa niḡina oko oyakadi metiḡodinakato.  
<sup>23</sup> Liwigo Aneotedoḡoji eo moko okaḡaḡa  
 niḡina me jilenaḡatibigoeledi oko, codaa eo me  
 idinajacaḡataḡatema ane lidaḡataka ḡodolaadi.  
 Aḡica niḡenatakaneeḡi ane dakapeteḡe  
 Aneotedoḡoji Liwigo aneo catiwedi oko laaleḡena.  
<sup>24</sup> Odaa niḡina ane nepilidi Cristo, aḡaleeḡoika  
 lolaadi me iḡe mowo anepaa yemaa. Pida



ja micataga daga yeleo lolaadi awatege Cristo niḡijo naga yeleo madataga nicenaganagate, odaa jiḡidaa niḡinoa lidaḡataka ane beyagi lolaadi, inaaḡinoa lowooko ane beyagi, ja ma. <sup>25</sup> Leeḡodi Liwigo Aneotedoḡoji najigotoḡowa gela ḡodewiḡa. Enice jikanagatece mepaa ḡodajacaḡaditema inoatawece niḡinoa ane jaogate. <sup>26</sup> Odaa aidinanenagatiḡe, oteḡexaaḡaga jiweenigenatakanaga, oteḡexaaḡaga ḡodelokojogo eledi oko.

## 6

### *Adinaxawanitiwagetiwaji*

<sup>1</sup> Inioxadipi, nigica ananati ḡanioxa meote ane beyagi, leeditibige akaamitiwaji, anepaga ḡadajacaḡati Aneotedoḡoji Liwigo, moxoki niḡini oko awii me dopitalo Goniotagodi. Pida nigoxoki awii makaami okaḡegipi niḡina me oxokojogoni, pida adinowetitiwaji adaḡawii liciagi meo ane beyagi. <sup>2</sup> Adinaxawanitiwaji nigina mini oko anida ane iwaagaditema, ane micataga diḡidi loyagagi ane iwaagadi. Odaa nigidaageni joḡoteteni liḡenatakanegēgi Cristo ane najigotedoḡowa me ḡodiḡe me leeditibige me idinemaanagatiwage. <sup>3</sup> Nigica oko ane diletibige daga daḡaxa me ḡoneḡegi, niḡini epaa dininaale. <sup>4</sup> Igaataga oninitecibeci oko leeditibige me iwi niḡica ane loenatagi. Nigele niḡica aneo, enice yakadi me ninitibece leeḡodi loenatagi, idiḡida aleegodi daga diniciaceeketege eledi oko, oditaga yakadi meneḡegi ele. <sup>5</sup> Igaataga oninitecibeci oko leeditibige meo niḡica Aneotedoḡoji ane iḡete meo.

<sup>6</sup> Niḡijo ane diniḡaxitece niḡaxinananeḡeco anoditece ḡotiwaḡatakananeḡegi, leeditibige niḡijo oko me niwaiḡawatece icoa ane nepilidi niḡijo niḡaxinogodi.

<sup>7</sup> Jinaḡa adininaalenitiwaji! Aḡica ane yakadi me yame Aneotedoḡoji. Niḡina oko icota me nopilaḡaditio niḡica aneyatini. <sup>8</sup> Odaa jiḡidaaḡee nige jaḡa niḡica anepaa yemaa ḡodolaadi, idioka limedi me ḡodeleo, codaa leegitalo Aneotedoḡoji me jotonaḡatedice. Pida nige jaḡa ane yemaa Aneotedoḡoji Liwigo, odaa idioka limedi me ḡodewiḡa miniwataḡa Aneotedoḡoji. <sup>9</sup> Enice jinaga inigaaxaga me jaḡa anele. Igaataga nigicota limedi, odaa ja inopilaḡataḡatio anele leegodi niḡijo anejanagaḡatini. <sup>10</sup> Enice niḡina me jakataga me jaḡa niḡica anele, leeditibige me jaḡa aneletema inatawece oko, pida odoejedipi me jaḡatema niḡina oko ane loiḡi Goniotaḡodi.

*Paulo yecoaditibige codaa me najoitiniwace ḡonioxoadipi*

<sup>11</sup> Jaḡanatitetiwaji niḡinoa idiko nelecoli ane emaga jidi niḡina natigide me jikee neḡemaga jidi naḡadi iwakate notagaḡaxi. <sup>12</sup> Niḡijo ane lemaanigi me dinikeenagaḡege codaa me diniweniḡide leegodi me dinakagiditibigiwaji ane lakatigi judeutedi, joaniḡidiaa domaḡa etiḡadiedegenitiwaji madinakagiti digo mijotaḡa. Dinakagiditibigiwaji idokowotibige niḡinoa eletidi judeutedi me daḡadiaaḡoiatetibece leegodi ḡodatematigo anoditece lemeḡegi Cristo madataga nicenagaḡate. <sup>13</sup> Igaataga niḡidi ane dinakagiditibigiwaji ane lakatigi

judeutedi, idiaagidi niḡidi oko aḡidioka limedi moyotete lajoinaganegeco Moisés. Pida oyemaa madinakagititiwaji owotibige moyakadi me dinabaketibece makaamieledi adi nibikotaxete ḡadolaadi. <sup>14</sup> Pida emeḡee baḡa idinanetibece leegodi lemeḡegi Goniotaḡodi Jesus Cristo madataḡa nicanaganagate. Leegodi lemeḡegi, oada micataḡa daḡa yemaḡawa madataḡa nicanaganagate, oada jigidaa naḡa inoatawece aninoa digoina iḡo aḡaleegica jaote, codaa aḡaleegowo me joḡowikomata. <sup>15</sup> Iḡataḡa niḡina me ḡodexogotege Jesus Cristo, aibeyacaḡadi niḡina ḡoneleegiwa domige dinakagidi ane lakatigi judeutedi, oḡoa, domige adinakagidi. Pida aneneḡegi ida ane jaoga, Niḡina Aneotedoḡoji meote oko me gela oko, mida gela lewiḡa. <sup>16</sup> Jemaa Aneotedoḡoji meote mele laalegenali, codaa me iwikode, inatawece niḡina anodioteci niḡinoa niḡaxinaganegeco anele, codaa minatawece judeutedi anonakato Goniotaḡodi, oada beḡewi me loiigi Israel.

<sup>17</sup> Niḡina natigide aḡaleegica ane idigiwogo, iḡataḡa inoa inepitaḡajetedi nolee yolaadi leegodi niḡijoa yawikodico ane ikee me ee nebi Goniotaḡodi Jesus.

<sup>18</sup> Akaami inioxoadipi, inibeotege Goniotaḡodi Jesus Cristo meote inoatawece aneletaḡadomitiwaji. Oada jigidaaḡee. (Amém).

## **Gela Liwai Lotaganaḡaxi Aneotedoḡoji New Testament in Kadiwéu (BR:kbc:Kadiwéu)**

copyright © 2012 Wycliffe Bible Translators, Inc.

Language: Kadiwéu

Translation by: Wycliffe Bible Translators, Inc.

### **Copyright Information**

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Kadiwéu

**© 2012, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

---

PDF generated using Haiola and XeLaTeX on 13 Jul 2024 from source files  
dated 29 Jan 2022  
7128a549-e957-5460-8c56-0f5281edf264